

И Ю Н Ъ
5 л у н
1 9 3 8 г о д
№ 106 (1815)

ЛЕНИН ТУЙ ВЫЛЭТ

(По ленинскому пути)

ВКП(б)
Окружкомлэн,
ВКП(б)
Кудымкарскэй
Райкомлэн да
Окрисполкомлэн
орган

Большевицкэя воспитывайтны виль партийнэй кадррез

Чулалэм отчетно-выборнэй партсобраниёе да окружнэй партийнэй конференция мгычалисэ, кыдз быдмэны мян коммунистт'езлэн организаторскэй талантт'ез. Виль партийнэй кадррез, конечэдз преданнэйез Ленин—Сталин дело понда, проявляйтэны ыджыт энергия да творческэй инициатива.

Ета йылись баитэны отчетно-выборнэй партсобраниёе да окружнэй партконференция чулэтэмись итоггез, што руководящэй партийнэй удж вылэ уна бэрйэмась виль отир. Токо ВКП(б) райкоммезе первэй секретарезэн округ пасьта 6 районись первуись бэрйисэ 4 секретарэс и мэдэдз да куймэт секретарезэн бэрйисэ первуись — 10, парторганизаторрезэ 17 морт. Эттик токо Кудымкарскэй районись парторганизаторрезэ первуись бэрйисэ 8 морт. Сидзжэ уна коммунистт'ез первуись бэрйэмась ВКП(б) райкоммезе да окружкомэ членн'езэн.

Парторганизан'езлэн отчетно-выборнэй кампания особенно яркэя мгычалисэ, кытшэм значеннэ имейтэ эрт Сталинлэн указаннэ, што талаатт'ез мян емэсь мымда колэ и колэ токо кужны вийэ адззыны. Етэ указаннэсе окружнэй парторганизация тыртис троцкистско-бухаринскэй шпионн'езэс, кэдна пукалисэ партийнэй руководствонь разгромитэмэс и ны местэ выдвинитэмэс виль, стойкэй большевиккез, кэдна конечэдз преданнэйэс Ленин—Сталин делоз.

Колэ конечэдз вежэртны, што выдвиженнэ, даже са-

мэй смелэй да паськыт лоас формальнэй, если-кэ этна виль партийнэй работниккез нийэ выдвинитэм лунсянь ашынас-жэ кольчасэ отсэттэг да вниманнётэг. А етатшэм фактт'ез мян еша емэсь.

Косинскэй ВКП(б) райкомись секретарэс эрт Савельевэс, Галинскэй райкомись секретарь эрт Мехоношинэс. Етна эртт'ез, кыдз и медиккез первуись бэрйэмась партийнэй руководство. Ния нуждайтчэны не токо курс'ез пыр босьны теоретическэй партийнэй да практическэй опынт. Нийэ быд лун колэ велэтны практическэй уджын, аскада подмечайтны нылись ошибкаез да с'ек-жэ отсавны нийэ исправляйтны. Сьетишэм-жэ отсэт понда нуждайтчэны первичнэй парторганизацияезись партторггез.

Чуткэй, засотливэй да внимательнэй воспитаннэ виль партийнэй работниккезэс—вот этик быд условияез коласись партийнэй работниккезэс быдтэмын условия, кэдэ должен вежэртны быд партийнэй руководитель.

Абу сомненнэ, што окружнэй партийнэй организация, окружком да райкоммез медженыт сроккезын кужасэ воспитайтны не этик десяток виль партийнэй работниккезэс, блестящэй большевицкэй организаторезэс, Сталинскэй Центральнэй Комитетлэ конечэдз преданнэй да вернэй отирэс, кэдна кужэны адззыны враггезэс, вермени нуэтны массасэ Ленин—Сталин туй кузя одзлань коммунизм дынэ!

Центральнэй Китайын партизанскэй движеннэ

Шанхай, июнь 3 лун. Центральнэй Китайын Шанхай-Ханьчжоу-Нанкин районись был лунэ быдмэ партизанскэй движеннэ. Медбэр'я кад коста партизанн'ез развивайтэны ыджыт активност вельки непосредственнэ Шанхай дынын: Южэй да западнэй районн'езын, кэдна этлаасьэны Шанхай дынэ, дейсуйтэны партизанн'ез 20 тысяча мында. Май 30 лунэ партизанн'ез керисэ нападеннэ японскэй войскаез выдэ городлэн западнэй да южнэй окрестностезын. Китайскэй партизанн'езлэн главнэй базезэны лозэны Цинпу да Сунцзян городт'ез (Шанхайсьянь югозападнэйланьжык).

Шанхай—Нанкинскэй кэрговэй туйлэн ойданын оперируйтэны партизанн'ез сизим тысяча.

Нанкин дынын партизанн'ез сидзжэ чуэтэны оживленнэй операцияез. Вит тысяча партизан мында, Нанкинсьянь лунданысь кынымкэ деревняез босьтэм бэррын, керэны постояннэй налетг'ез

японскэй часттез выдэ город дынын.

Тайху озеросынь рытданын китайскэй партизанн'ез, кэдынлэн количествос достигайтэ 15 тысяча мында, этлаань китайскэй регулярнэй войскаезкэг уна районн'езын нуэтэны активнэй операцияез.

Нанкин-Ханчжоу шоссейнэй туй зонаын да Янцзы йоу увланысь теченнэын ойланысь берегын партизанн'ез киезын находатчэны уна пунктт'ез. Партизанн'ез естэн нуэтэны успешнэй операцияез.

Крестьяна, рыбаккез, рабочнэйез да студентт'ез систематическэя пополняйтэны партизанскэй отрядт'езэс. Токо Цзяньтан районись (Нанкинсьянь юго-востоклань) 30 тысяча крестьяна, военнэй подготовка мунэм бэррын, пырисэ партизанскэй отрядт'езэс. Японскэй карательнэй мезаез вылэ невидэтэмэн, партизанскэй движеннэись быд лунэ быдмэ. (ТАСС.)

Кыдз лэсьэтчэны бэрйэммез кежэ Юксееваын

(Телефон-пыр)

Кочевскэй районись Юксеевскэй сельсоветись председатель Андырев Иван Иванович РСФСР Верховнэй Советэ бэрйэммез кежэ лэсьэтчэ совершенно умэля. № 122 да № 123 избирательнэй участоккезын избирателлезлись списоккез сувтэтлэмась эддээн небрежнэя. № 122 избирательнэй участкаын избирателлез списоккез вылын 25 поправка да исправленнэ. Список вылэ абу гижэмась кэр чужис избиратель: год, число, месяц.

Сидзжэ некин оз интересуйтчы „РСФСР Верховнэй Советэ бэрйэммез йылись Положеннэ“ да Конституцияез изучайтэмэн. Быдсэн сельсовет пасьта велит токо этик занятие. Избирательнэй участоккезись помещеннэс абу оборудуйтэмась. Некытшэм удж оз мун. Гагарин

Немедленнэя уточнитны бэрйиссеэзлись списоккез

Бэрйиссеэзлэн списоккез велит сувтэтэмэсь май 26 лун кежэ. Сысянь чулалис уже дас лун, но списоккезэн дело сулалэ энэдз эддээн умэля. № 8 бэр'ян участкаын (больница) бэрйиссеэзлэн списоккезэ абу сюрэтэмась нельки ассиныс сотрудниккезэс, огэни бати больнэйез йылись. № 1 бэр'ян участкаын (помещеннэс кинотеатрын) бэрйиссеэзлэн списоккезэ абу сюрэтэмась 20 бэрйись мымда и деловыс энэдз оз исправляйтчы. Етшэм фактт'езыс эддээн уна. Мукэд советскэй организацияез ез учитывайтэ СССР Верховнэй Советэ бэрйэм кежэ лэсьэтчикэ л'едэмэс ошибкаез и энэ бэрйиссеэзлисэ списоккез составляйтэмэ относитчисэ бездушнэя, формальнэя, бюрократическэя. Токо этик поселковэй советын абу сюрэтэмась списоккезэ унажык

200 мортсэ. Ета положеннэс нетерпитана и должен лоны немедленнэя исправитэм.

Ыджыт роль бэрйиссеэзлисэ списоккез сувтэтэмын орсэнийэ правильнэя заполняйтэм. Миян бэр'ян участкакезын сидзжэ емэсь уна фактт'ез, кэр бэрйиссеэзлэн нимись да айнимись гижшэны токо первэйсэ буваез, мукэдчаас совсем оз гижэ чужан год, бэрйисьлисэ олан места. Ета не-правильно! Списоккез долженэс лоны сувтэтэмэсь точнэя „положеннэ“ сьэрти.

Медбы обеспечитны РСФСР Верховнэй Советэ бэрйэммез вылэ быдэс бэрйиссеэс, колэ буре сувтэны удж избирательнэй участкаын. „Бэр'ян участок—союзнэй да автономнэй республикаезись Верховнэй Советт'ез бэрйэммез кежэ лэсьэтчэмын массово-политическэй да организацион-

нэй уджын центр. Етчэ—бэр'ян участок дынэ должен лоны дорэм партийнэй, советскэй, профсоюзнэй да комсомольскэй организацияезлэн вниманнэ, ибо естэн олэны избирателлез, естэн решайтчэны бэрйэммезлэн успеххэс.“ („Правда“).

Однако, уна бэр'ян участкакезын удж сувтэтэм еша умэля. Юксееваись 122 да 123 бэр'ян участкакезын—сообщайтэ мянлэны асланын сотрудник, —некытшэм массовэй удж оз мун, агитация да пропаганда сувтэтэм умэля.

Задача быд бэр'ян комиссиялэн, быд довереннэй лицолэн партийно-комсомольскэй, советскэй да профсоюзнэй организацияезлэн сулалэ сыны, медбы немедленнэя оформитны бэрйиссеэзлисэ списоккез, сувтэтэны большевицкэй агитация да пропаганда быд бэр'ян участкаын.

Успешнэя гэрны паррез

Юринскэй сельсоветись 4 колхоз мунэны одзын пар гэрэмьны. Июнь 3 лун кежэ гэрисэ паррез Шадринскэй колхоз 46 гектар, быдэс гэрисэ вэв вынэ. Ета колхозын буржыка сувтэтэм руководством, правильнэя распределитэм да организуйтэм рабочэй вын. Кекурскэй колхозын, кытэн июнь 2 лун кежэ гэрэм пар 18 гектар, вэв вынэ. Сидзжэ

буржыка мунэ пар гэрэм Таровскэй колхозын, кытэн июнь 2 лун кежэ гэрэм 87 гектар тракторнэй вынэ.

Поповскэй колхоз гэрисэ июнь 3 лун кежэ 61 гектар тракторнэй вынэ.

Етна колхозыезын руководитэны буржыка пар гэрэмэн, мыйсянь и удж нылэн мунэ одзын. Но ета-жэ сельсоветись медик колхозыезын, кыдз Васильевскэй-

ын, Остаповскэйын, Калининскэйын да Пидаевскэйын энэдз ез пондэтчэ гэрны паррез.

Юринскэй сельсоветлэ колэ требуйтэны етна колхозыезыс, мед ния кончитисэ гэрны паррез ерок кежэ.

М. Ч.



Миян кандидат ордын

Жар, шондја лунэ легковей автомашина босьтис курс лун лань. Шонит июньскэй тэлөк пельтышлэ автомашина пытшкэ. Машина то нырнитлас керэс увтэ, то вилис каяс керэс вылас. Круггез плавня, ширэтэмэн бергалэны—машина муно одзлань.

—Эх, красота, кытшэм возу-хыс сестэм тулынас. Видаэт-жэ видзез ланя, кызд туруныс бидмэ—горэтчис миян коласис этик морт.

Шосевалис 8-эт километра вылын машина кежис вескытлань. Пондис тыдавын кыздза коласын кынымкэ керку да дзик гэрд мак цвет 1 гэрдюра тыдалэ школа. Машина жагэника тарэвчис деревняэт керэс увтэ. Пондэтчис колхознэй иббес. Шульга ладорас ося скез бидмэны кудриэн, а вескыт ладорас чульясэмэн силькан шыэн визывтэ шорок, этмэдэрэттяс видзез, кустарник.

— Вот кытшэм гажа места-с бур бы естэн курорт туйэ—горэтчис фотограф Канюков.

—А вон вывлань кытшэм кыздзаныс басэк, дзик кыз кытшэмкэ паркын—горэтчи ме паныт.

Пыримэ деревня шэрэ. Шероксэ вуджимэ кык пэв—иньлэтчимэ деревня конечлания, колхоз правленнэ дынэ. Машина плавня сувтис сестэма чышкэм площадка гылэ. Колхозниккэс челядыс сувтис машина гэгэр. Ния казалис, што миянлэ колэ миян кандидат Яков Степанович Попов.

—Яков Степановиче гортын абу. Сия ешэ асынас л'едзчис Кудымкар посаде верзьэма вэлэн—висталис миянлэ этик колхозник. Ачыс рок бокас сувтэтэм назэм вила. Тыдалэ локтэ кытшэмкэ уджыань.

—Кызд бы миянлэ адзавны бригадирэс да фермаисэ завелушэйсэ?—Обратитчи ме вопросэн колхозниккэс дынэ.

—Бригадирис кайис ыб вычэ трактор дынэ, а фермалэн зав. мунэ натьтэ фермаис.

—Но ти колтэ, а ме муна бэр Кудымкарас, а то видэтэ кытшэм кайэ кымарис—горэтчис шофер.

Машиналэн бэра пондис моторис четкэя гурэтны, сывын дзик песня и сідз-жэ плавня бергэтчис и вэйис сард'ез пытшкэ.

Мийэ сы бэрсянь невна муні-мэ бэрланы. Пыримэ челядь сард'ез

—абу некин. Стенаез вылын клеитэмась портрет'ез, лозунг'ез, плакатт'ез. Дждож миськалэм чочкома—сразу позьэ казавны, што естэн уджалэ действительно заботливэй, хозяйскэй ки.

—Локтэ-те ветламэ фермаис—горэтчи ме. Мунамэ ыб вылет. Пельтэ шонит руа тэлөк. Нейлын гудитэ трактор—гэрэ пар. Километра ылына пондис тыдавын фермалэн карта. Локтим. Адззамэ кык колхозница миськалэны йэв баккеа.

—Здорово тиянлэ—горэтчимэ куйманным.

—Локтат здоровэсэ—отвечайтэны колхозницаэс.

—Кыс миянлэ адзавны фермаисэ завелушэйсэ?

—Сия вот токо энэ л'едзчис верзьэма вэлэн гортас.

Ме ёртлэ предложити картасэ фотографируйтны. Сыбарын пыримэ пытшкэ, видэтимэ кытшэм порядокыс, сибэтчылым племяннэй порозыс дынэ, но сия пондис чушкайтны—ед сибэтчэ матэ, сия мужиккэс оз любит—предупредитис миянэс скотница-доярка Попова Афонася Андреевна.

Видзэтим, в е т л э т и м. Бидлаын сувтэтэм порядок. Порсез ветлэтэны дзик тельчыс, гоняйтэны кукачнев, породистэй баяеа—стэ вайэтэны юктавын пастбище вывсая кык колхозница.

Час бэрти мийэ л'едзчим бэр правленнэ дынэ. Локтисэ бригадир Попов Иван Иванович, фермаисэ завелушэй Яков Василий Семенович, свинарка, доярка и теляница. Ния ыджыт гордостын пондис висьтасын, кызд нилэн знатэй руководителэ, РСФСР Верховнэй Советэ депутатт'езэ кандидат Яков Степанович песисэ культурай да защиточнэй олан понда, кызд успевайтэ сия иньдэтны ассис хозяйскэй син'езэс бид уджэ.

—Оз чулав этик лун, и абу с'етшэм участок, кытэн бы ез вэв Яков Степанович—пондис висьтасын бригадир Попов.—Сия адзэс бидлаис, кытэн кызд керэм, кытэн бура, кытэн умэля. А кызд умэля керан, то обязательно сия тшэктас керны медпэв. Оз любит сия умэля кермэсэ. Сылэ колэ, мед бид уджис вэли керэм ыджыт качествоэн.—Не йэз понда-ед уджаламэ, а ас понданым—баитэ Яков Степановичыс. Но лэга оз горэт некинлэ. Сия висьталас жагэника, толковэя. Беседуйтимэ вельдыр и фермаисэ завелушэйкэт ёрт Яковкэт. Сия

висьтасис, кызд тьебис ферма, кытшэмэсэ вэлисэ трудностэс и кызд ныкэт ковсис прессыны. Висьтасис и сы йылис, кызд ыджыт вниманнээн относитчэ подаис дынэ Яков Степанович, кытшэм делэ колэ ешэ керны одзлань. Уна висьтасисэ и колхозниккэс. Бид колхозниккэс сьэлэмыс тырэмэ ыджыт радостын да асланыс делэ дынэ любовэн. Бид колхозниккэс позьэ тэдны, што ния уверенэс асланыс одзланься победэезэн.

Беседаез бэрын керимэ вит фотоснимок. Фотографируйтимэ медбур колхозниккэсэ да колхозницаэсэ, кэдна бидсэн пунктэны ассиньс выннысэ колхознэй делолэ, социализм делолэ.

Кадис сибалэ рытлань-ни. Мийэ кыкэн пондимэ мунны бэр Кудымкарэ. Деревня кузи муніка а д з а и к ы д з Кекур деревняас у л и ц а бидэс вэсэтэм, туй волькэтэм. Бид керку эшын одзын сад, то рябиник, то кыздзез, то льемпуез. Любо видзэгны! Бид колхозниккэс эшыннэс вылын бидрэмэ цветэн цветитэны комнатнэй саддэз. Деревнян чистота да порядок. Деревня шэрэс моз гымэтэны уджалэны кузнецаны колхознэй кузнецэс, готовитэны уборочнэй машинаэс, инвентарь. Нияэ муно миян кандидат колхозын уборочнэй кампания кежэ лэсэччан удж. Колхознэй деревня пастасэма зеленэй кыздзээн, дзик вевтиссьэма праздничнэй костюмэн, цветитэ кызд алэй мак цвет.

И вот энэ бид морт горэтчас: „видзэт важ Кекурыс, Яков Степанович руководство увтыя кызд пондис цветитны, кызд радэн да гажэна пондисэ овны одзэ кекурскэй бедняккэс. Ов и радуитчы!“

П. Тулицын

Июнь 3 лун 1938 год

Мыля сідз керсэ?

Июнь 3 лунэ Юкеева посадын 40 рабочэй олісэ няньтэг. Сельполэн председателэ Бабакин Александр Ивановичэс сия оз беспокоит, што няньэн часто овлэны перебойес. Оз замечайт етэ и сельсоветисэ председателэ Андырев.

Бакинскэй портисэ „Пионер“ нима велэтчан судноын занимайтэны Бакинскэй школаэзисэ 120 велэтчис—челядь. Челядь получайтэны квалификацияэс мотористтэезлисэ, радисттэезлисэ, сигнальщиккэзлисэ и сідэ одзлань.



СНИМОК ВЫЛЫН: радисттэез аппарат дынын. Рисунок Б. Фишман фотось.

Испытаннэез Пешнигортскэй НСШ VI „Б“ классын

Июнь 1 лунэ Пешнигортскэй школаын VI класс „Б“-ын чулалисэ испытаннэез к о м и кыс сьэрти—устно.

Звонок. Челядь пукалэны асланыс местаэс вылын. Он адзэс этик велэтчисэс, кэда бы полис да волнуйтчис испытаннэез олзын.

Классэ пырэ коми кыс сьэрти велэтисэ ёрт Старцев Виталий Никифорович ассистенткэт ёрт Иван Иванович Фирсовкэт. Челядь нийэ панталэны здоровайтчэмэн. Велэтиссез сералэмэн, веселэй настроеннээн пуксэны пызан сайэ. Челядь чужэмэс в ы л ы н улыбка, вот сідэ и видзисьэны, кинэс первойсэ мортэс корасэ босыны билетт'езэсэ вопрос'езнас.

Т и ш и н а. Видзчисьэны, мый висьталас велэтисэ. Невна Виталий Никифорович объяснитис, кызд пондас мунны испытаннэ. Сыбарын учитель корэ кынымкэ уч-

никэс, кэдня кыскэны билетт'езэсэ, да недыр мыйисэ сьэрсээн бэрсээн петэны доска дынэ отвечайтэны ния вопрос'ез вылэ, кэдна нылэ сетэмасэ.

Вот петэ доска дынэ велэтчисэ Носков Ваня—спокойнэй, внимательнэй зонака отвечайтэ подробнэя, четкэя. Сідз сия ответитис „отлично“ вылэ. Сы бэрыя отвечайтэ Климов Егор, кэдия велэтчис кузь тэв посредственно вылэ, а талун испытаннэез вылын ответитис „отлично“ вылэ. Эта сьэрти позьэ адззыны, што велэтчиссез испытаннэез кежэ готовитчэмасэ не умэля.

Классын 23 морт коласисэ коми кыс сьэрти отличноез получитисэ 15 морт, хорошо 5 морт и посредственно 3 морт. Позьэ видзчисьэны эта классисэ и письменнэй испытаннэ сьэрти не умэльжык отметкаэс.

Н. Попов

Зажиточнэй олан понда

(Продолженнэ)

Куимэт бригадэе бригадирэн правленнэ сувтэтис Попов Иван Ивановичэс. „Вот—думайтис Иван Иванович,—вэли ме неграмотнэй, учэтсаян уджавли йэзын, батрачиті оджык лыддывлісэ менэ умэль мортэн, а энэ лоа бригадирэн. То сия колхознэй стройис кытчэдз вайэтэ мортэс“—и радуйтчис сия и думанас строитис планнэез, кызд чужажык да буржыка чулэтны гожумся сельскохозайственнэй удж.

Практичeskэй удж нуэти-кэ бригадирэс проверяйтисэ этамэднысэ, кинлэн бригадаис кытшэмэ сетэ уджас качество, а колхоз правленнэ стена вылын эшаліс диаграмма, кэда сьэрти тыдаліс, кызд уджалэны бригадэе бид лунэ, кызд муно социалистическэй современнэ.

Дисциплина колхозас лонис сё чорытжык и чорытжык, льебис трудоденьлэн авторитет.

Эта-жэ гожумэ, арся кэдзан кампания чулэтикэ, машинаэн кэдзаны вэли сувтэ-

тэм куимэт бригадаын Яков Павел Михайлович.

Эта вотэдз сы йыліс колхоз правленнэ заседаннэ вылын, кытэн вэлисэ и колхозниккэс активисттэез,—л'ебтисьліс споритэм.

—Колэ кэдзиссезэн сувтэтны медчестнэй колхозниккэсэ—баитис председателэ, а Яков Паша пырис колхозас вэлисэ кольэм годэ, проверитны мийэ сийэ ешэ ег йештэ.

—Мый сийэ проверяйтны-тэ мортис бедняк, кытчэ бы ен ысты, сьэтчэ и муно—горэтчис бригадир. Бригадир дор-жэ пондисэ баитны мукад колхозниккэс. Пуктисэ Яковэс кэдзисьэн.

Сы одзын токо колхозисэ получитис с е у д а рудзэг „Вятка“. Сыліс югыт да гырис тусьсэ кэдзэ Павел Михайлович лун, мэдике, куимэтэ, уджалэ честнэя, качество сетэ бурэ, нормалез тыртэ содтэтэн. Токо кытэнкэ юр вем пельсокас казаятэг чужис да гагмос пондисэ вэрэтчыны дума: „а

мый лоас, босыны-кэ невна кэдзисэ да нэбэтны гортэ, кин тэдас?“. „Ой, мый метшэмсэ думайта“, старайтчис вашэтны юрис етэ умэль думасэ Павел Михайлович.

Рытнас кисьтис машинаас рудзэгсэ медбэрья мешкись да мешэк пьдэсас невна колис. Кэдзэм бэрын, кэр пондис гуна бокэт локны гортас, етэ мешэк пьдэсисэ рудзэгсэ кисьтис гуна долонь вылас да вевтис йикиэн. „Ойнас овла да нэбэта“,—думайтис сия. Но бидэс адззыліс бригадир. Пырис сия Яков бэрын гуна пытшкэс да адзис сюсэ, корис кык колхозникэс, видзэтисэ, куралисэ да эшлісэ: лоис нэль килограмм.

Сия-жэ рытэ колхоз правленнэ керис заседаннэ, кэда вылэ корис колхозниккэс эс активисттэезэс да Яков Павел Михайловичэс.

—Мийэ тьенэ лыддим честнэя уджаліссьэн, а тьэ мый етэ керин? Гусялін колхознэй нянь!—пондис баитны Яков Степанович.—Думайт тьэ, кинліс гусялін? Тьэ-ед г у с я л і н колхозниккэзліс. О д з жык царскэй власть дьрни миянланыс крестьянаыс

ветлывлісэ уджавны Майкар заводе и вэлісэ случайисэ, што локтиканыс мукадыс гусявлісэ к э р т листтэез, чугун платаэз, додь полосаэз. Дзэбасэ кытчэ ненабудь додь вязьэз коласэ и вайэны, дак-ед сьэк заводас хозвиннэс вэлісэ капиталисттэез, кэдна пукалісэ рабочэйисэ сиви вылын, сьэк-ед властыс вэлі капиталистт'ез, помещиккэс да кулаккэс кыны, а энэ властыс рабочэйисэ да крестьяна кыны, энэ бидэс, мый ем Советскэй странаас, сия рабочэйисэ-лэн да крестьяналэн, и гусявны мый ненабудь етэ лоэ гусявны рабочэйисэ да крестьявалісэ, л о н ы колхознэй стройлэ врагэн. Эні казеннэйисэ абу нем, а бидэс миян, уджалісэ отирлэн, советскэй госу-дарстволэн.

Нем эс вермы шуны паныт Павел Михайлович токо горэтчис:

—Виноват ме, виноват, мый керат сийэ и керэ.

Юрсэ эштэтэмэн муніс Павел Михайлович гортас. „Мый етэ ме кері, мый ме

кери?“ Позориті ачымэс пыр кежэ, кызд эні ме вылэ пондасэ видзэтны отирис?—думайтис сия гортас локтикэ. Аслас нельки сэдзисэ синваэс. Пырис керукас гусявнык, н е л ь к и иньыс и челядыс—некин эз саймэ. Дзар керис челядыс вылэ, думыштис: „Вот ния озэ-ни пондэ тэдны единоличнэя олэм йыліс, ния бердэ оз-ни лякасы сия нятыс, кэда вэлі лякасыма ме бердэ. Мый ния висьталасэ, кэр бидмасэ, кызд менэ пондасэ касьтывлыны? Мый ме етэ кері?“ Пуксис сия запаннэя вылэ да сідз, вэрзэтчытэг, паськэмнас пукаліс ойбыт. Иньыс саймыліс, пондыліс ськэт баитны.

—Мый т'е пукалав, кызд кын суелон, лок вод—рамыника висьталіс сия, но Павел Михайлович эз и вэрзэтчы, эз шыасэ иньыслэ, а сё думайтис: „Вермисэ менэ проклаённэй важ привычкаэс, кыскисэ позорэ“.

Продолженнэ следуйтэ.

Врид. ответствен. редактора Е. Мехоношин.